

Apakah Itu Kerajaan Tuhan? (Bahagian 1)

Berdasarkan bab 8 daripada buku *Apakah Sebenarnya Ajaran Bible?* yang terdapat di jw.org/ms.

TUJUAN: Tinjau apa yang anda percaya dan sebabnya, kaji apa yang diajarkan Bible, dan lihat bagaimana anda dapat menjelaskan kepercayaan anda kepada orang lain.



MENGAPAKAH PARA PEMERINTAH KERAJAAN TUHAN LAYAK UNTUK MEMERINTAH?

1 TINJAU KEPERCAYAAN ANDA

Apakah pandangan orang tentang hal ini?

Apakah kepercayaan anda?

Mengapakah anda berkata begitu?

Yesus ialah Raja yang unggul.

(Lihat buku *Ajaran Bible*, bab 8, perenggan 1-7.)

Baca 1 Timotius 6:15, 16.

Bagaimanakah ayat ini menunjukkan bahawa Yesus dapat melakukan perkara yang jauh lebih baik daripada mana-mana pemerintah manusia?

Baca Yesaya 11:2-4.

Bagaimanakah nubuat ini menggambarkan Yesus sebagai pemerintah?



Yehuwa telah memilih manusia setia yang terdiri daripada pelbagai latar belakang untuk memerintah bersama Yesus

Yehuwa telah memilih para pemerintah yang dapat memahami kita.

(Lihat buku *Ajaran Bible*, bab 8, perenggan 8-10.)

Baca Wahyu 5:10 dan 14:1, 4.

Menurut ayat ini, siapakah yang akan memerintah bersama Yesus?

Bagaimanakah kita tahu bahawa para pemerintah yang memerintah bersama Yesus boleh memahami cabaran yang kita hadapi? (Tip: Baca semula Wahyu 14:4b; bandingkan 1 Korintus 6:9-11.)

Apakah yang meyakinkan anda bahawa Yesus dan 144,000 orang layak untuk menjadi pemerintah Kerajaan Tuhan?

3

JELASKAN KEPERCAYAAN ANDA

JIKA SESEORANG BERKATA...

Yesus hidup ribuan tahun yang lalu dan dia sudah lama meninggal. Mustahil dia dapat mempengaruhi hidup saya hari ini.

ANDA BOLEH MENJAWAB...

Ramai orang mungkin setuju dengan hal itu. Tetapi saya percaya bahawa...

Apakah ayat Bible yang sesuai ditunjukkan kepadanya?

Bagaimanakah anda akan menjelaskan ayat itu kepadanya?

JIKA SESEORANG BERKATA...

Terdapat banyak malaikat di syurga, jadi saya rasa tiada sebab untuk memilih 144,000 orang dari bumi.

ANDA BOLEH MENJAWAB...

Memang benar terdapat banyak malaikat di syurga. Tetapi saya percaya bahawa apabila manusia yang setia ini menjadi pemerintah, kita akan menikmati banyak manfaat kerana...

Apakah ayat Bible yang sesuai ditunjukkan kepadanya?

Bagaimanakah anda akan menjelaskan ayat itu kepadanya?
